


ALDERDI ABERTZALEEN
EMAITZAK LEHEN
BOZALDIAN

Emaitza gazi-gochoak

ABERTZALEEN BOZAK. Abertzale guztiek ez dute hein berean jasan bipolarizazioaren ondorioa. Hauteskunde hauetaz irakurketa politiko desberdinak egin dituzte.

Eneko Bidegain | BAIONA

Legibiltzarrerako hauteskundeak zailak dira beti abertzaleentzat, baina aurten zailtasun handiagoak zeuzkaten. Batetik, Lehendakari-zarako hauteskundeetatik berehala gertatzea, hauteskunde haiek iragan ziren bezala iragan ondoan. Paristik bideratu ezta-baidatik desmarkatzea oso zaila bihurtua zen. Horrez gain, abertzaleak hirutan zatiturik lehiatu ziren.

Emaitzak eskualde batetik bertzera aldatzen dira. 1997tik honako bilakaerak ere bai. EA eta EAJren kasuan, laugarren hautesbarrutian, bertzeetan bezala, boz anitz galdu badute ere, Hazparneko kantonamenduan azkenaldian baino 63 boz gehiago eskuratu ditu. Mattin Etxepare Lekorneko zinegotzia izateak eman dio aukera hori. Horri esker, Euskal Herriko emaitza ia bera mantentzea lortu zuen. Biarnon galdu zituen, ordea, bozak, hala nola 90. EA-EAJk beharakada larriena bertze bi barrutietan izan du, seigarrenean bereziki.

Iñaki Ibarlozak emaitzak «espero baino apalagoak» direla aitortu zuen. «Onartu behar da gauzak ez ditugula jendeak pentsatzen zuen bezala egin». Emaitzak

Alderdi abertzaleak legebiltzarrerako hauteskundeetan

	1993	1997	2002
AB	%5,73 (7.048)	%6,45 (7.573)	%5,91 (7.569)
	%1,18 (1.450)		%1,51 (1.934)
EAJ-EA*		%2,88 (3.369)	

* 1993an EA bakarrik

tzen aztertze goizegi dela dio. «Oraino sesituak gara». Hautagai jeltzalearen ustez, «boz baliagarriak» kalte egin die.

ABke ez ditu EA eta EAJk bezala jasan estatu mailako bipolarizazioaren ondorioak. Bosgarrenean alderantzizkoa gertatu zaio, hainbat gunetan gorakada nabarmena izan baitu. Angelun 64 boz irabazi ditu, Baionan 192. Bertze kantonamenduetan ere gora egin du.

ABk laugarren hautesbarrutian ditu galdu bozak, eta behearakada ez da kantonamendu guztietan gertatu. Amikuzeko kantonamenduan izan dute behearakada latzena, 222 boz gutxiagorekin. Hazparnekoan 153 boz galdu dituzte, eta Iholdin 129. Bertze kantonamenduetan boz kopurua igo du.

Zatiketaren ondorioak

Ez du iduri behearakada hori Batasunaren boz eskaerak eragin

duen. Boz zurien kopurua duela bost urtekoa baino askoz apalagoa zen, Frantzia guztian bezala, funtsean. Zatiketak eragina izan duela pentsa daiteke, halere. ABk seigarren barrutian ere zenbait boz galdu ditu, hala nola Hendaiaiko kantonamenduan 168. Gainerakoetan, duela bost urteko emaitza bertsuak edo hobeak lortu ditu.

Richard Irazusta ABko bozeramaileak ez zuen ukatu abertzaleen arteko zatiketak «batzuk etxean gelditzera» bultzatu zituela, «zer gertatzen zen ikusi nahi zutelako». Halere, ez du uste «elementu erabakigarria» izan denik.

Xabi Larralde Batasuneko ordezkariak irakurketa ezkorragoa egin zuen herenegungo prentsaurrekoan. Abertzaleen artean elkarrekin zerbait egiteko aukerarik ez sortu izana «hautu ezegokitzat» jo zuen. «Abertzaleen sunak izan duen behearakada es-

plikatzen du. Mugimendu abertzalea barreiatuak joateak ondorioak izan ditu, eta abertzale asko etxean gelditu dira». Batasunak «irakaspen bat» atera zuen: «Etorriko diren hauteskundeetara begira, ezinbestekoa da abertzaleek bat egitea».

Richard Irazustaren ustez, igandeko emaitzek «ezker abertzalea ABren inguruan» biltzen dela erakusten dute. «Abertzale guztiak elkar daitezkeen oinarria da. Hauteskunde alorreko beste saioek ez dute funtzionatzen». EA eta EAJren emaitzak ikusirik, «abertzaleetara defentatzeko bide bakarra ABren inguruan elkartzea» dela uste du alderdi horretako bozeramaileak. PS eta UMP alderdiek aparte, guztiek «higadura» izan dutela dio. «Hobekien irauten duena AB da».

Aurkeztu behar zen ala ez?

Batasunak bipolarizazioaren ondorioak guztiek jasan dituztela uste du. «Errana genuena baieztatu da emaitza hauetan», azaldu zuen Larralde. «Errana genuen hauteskunde hauek ez direla gureak. Aski aitzinetik ikusten ahal zen bipolarizazio ikaragarria bazela». Larralde salatu zuenez, «boz sistema horrek gutxiengoak zapaltzen ditu». «Horregatik erran genuen

ESANAK



IÑAKI IBARLOZA

(EAJko hautagaia 6. hautesbarrutian)

«Onartu behar dugu gauzak ez ditugula jendeak pentsatzen zuen bezala egin»



RICHARD IRAZUSTA

(ABko bozeramaileak)

«Legebiltzarrerako hauteskundeak jauztoki bat dira udal eta kantonamendu hauteskundeetarako»



XABI LARRALDE

(Batasuneko bozeramaileak)

«Mugimendu abertzalea barreiatuak joateak ondorioak izan ditu, eta abertzale asko etxean gelditu dira»

abertzaleek ideia baten inguruan zentratu behar zutela: Euskal Herriaren baieztapenean».

Richard Irazustak, aldiz, uste du abertzaleek «ongi» egin dutela hauteskunde hauetan aurkeztuz. «Erakutsi dute 7.500 lagunek AB sostengatzen dutela Legebiltzarrerako bozetan». ABkoaren ustez, hauteskunde mota hauek datozenerako «jauztoki» gisa balio dute. 1997ko hauteskundeetako emaitzek kantonamendu eta udal bozetan ondorioak eman zituztela uste du. Horrez gain, «lehen itzulian ziren proiektuak defendatu behar eta populazioak mezuak jaso ditu».